

心譬如一呼吸有與風相尋妙當空洞際氣感何其神毋勞
嚼碎舌吾斯體吾真嘆相與者忘惟其仁之至故能不以爲
仁能不以爲仁故能相忘
所過者化萬語千言何者非假

谷神不死章第六

谷神不死是謂玄牝玄牝之門是謂天地根繇繇若存用之不
勤

怪怪奇奇理氣形是虛而實互相生元來天地一物耳妙應
无窮是我靈嘆此是生身處此是朝元路伏雌化作木雞土

釜何勞封固谷言虛空虛空則神理也玄牝有生生之理焉
所以有天地萬物是則形矣夫其未
形本乎虛空故其用之能無窮也

道藏輯要

道德真經章句訓頌

三

心集五

天長地久章第七

天長地久天地所以能長久者以其不自生故能長生是以聖
人後其身而身先外其身而身存非以其無私耶故能成其私
天地如何逃始終獨能長久奪元工能知性命人人壽莫道
神仙非至公嘆知性存神知命順炁無心之私乃爲至理

上善若水章第八

上善若水水善利萬物而不爭處眾人之所惡故幾於道居善
地心善淵與善仁言善信政善治事善能動善時夫惟不爭故
無尤

此處柔能勝至剛自然之用妙無方碧潭照見原來面不待

滄溟看渺茫，噴到得滄溟。更妙清甯萬象，虛涵天下。同霑雨露華池一點長甘。

持而盈之章第九

持而盈之，不如其已揣而銳之，不可長保。金玉滿堂，莫之能守。富貴而驕，自遺其咎。功成名遂，身退天之道。

滿傾剛折，少前知代禪。元來有四時，明月清風真受用。乃知堯舜得其遺，嘖天心戒盈溢。人道貴謙虛，妙得天人一無慚。圯上書。

載營魄章第十

載營魄抱一，能無離乎？專氣致柔，能如嬰兒乎？滌除玄覽，能無

道藏輯要

道德真經章句訓頌

四

心集五
三三又

疵乎？愛民治國，能無為乎？天門開闔，能無雌乎？明白四達，能無知乎？生之畜之，生而不有，為而不恃，長而不宰，是謂玄德。

四大假合，托乎靈明，順以保之，沖然無營。內視何有，天下自甯。出入之機，審動與靜，眾眩其聰，我則若瞶。不有其功，不聖其聖。體用自然，斯真性命。嘖真性命，只在斯，不可窺，不可違。

魂魄合而為人抱一者，守此性也。所謂致柔立覽，無為無雌，無知不有，不恃不宰，皆所以言抱一之道本乎自然者也。

三十輻章第十一

三十輻共一轂，當其無有車之用。埏埴以爲器，當其無有器之用。鑿戶牖以爲室，當其無有室之用。故有之以爲利，無之以爲用。